

pópuli tui in eo sanctificet, et suméntium corda dignánte emúndet. Per Christum Dóminum nostrum. *R.* Amen.

OREMUS.

OMNIPOTENS sempitérne Deus, altáre hoc nómini tuo dedicátum cœléstis virtútis bene ✠ dictione sanctifica; et ómnibus in te sperántibus auxilií tui munus osténde; ut hic Sacramentórum virtus, et votórum obtineátur effectus. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus, per ómnia sæcula sæculórum. *R.* Amen.

Y. Dóminus vobiscum.

R. Et cum spíritu tuo.

Y. Benedicámus Dómino.

R. Deo grátias.

Quo dicto, Pontifex accedit ad sacristiam, sive sacra-rium, ubi, deposito pluviali, parat se ad celebrandum Missam, si voluerit, vel facit p̄r aliquem Sacerdotem in dicto altari consecrato solemniter celebrari. Missa dicitur ut in Missali, in ipsa die Dedicationis Altaris.

Finita Missa, Pontifex dat benedictionem solemnem, et indulgentias; exiit se sacris vestibus, et vadit in pace.

DE CONSECRATIONE ALTARIS,

CUIUS SEPULCHRUM RELIQUIARUM EST IN MEDIO
SUMMITATIS STIPITIS.

ORDO prædictus consecrandi altare semper servatur, quando sepulchrum Reliquiarum est in medio tabulæ altaris, a parte superiori, vel in stipite a parte anteriori, aut posteriori. Si vero sepulchrum est in medio summitatis stipitis, supra autem sit ponenda

ipsa tabula, sive mensa altaris; finita aquæ benedictione, cum vino, et cinere, ut supra. 39. atque Oratione.

OMNIPOTENS sempitérne Deus, creátor, et conservátor húmáni géneris, etc. 43.

Pontifex stans cum mitra, et aqua benedicta hujusmodi, vino et cinere mista, facit maltam, sive cæmentum ex calce, et sabulo, seu tegula trita ad hoc paratis, quod deinde, deposita mitra, benedicit, dicens:

Y. Dóminus vobiscum.

R. Et cum spíritu tuo.

OREMUS.

SUMME Deus, qui summa, et média, imaque custódis, qui omnem creatúram intrinsecus ambiéndo concludís, sancti ✠ fica, et béne ✠ dic has creatúras calceis, et sábuli. Per Christum Dóminum nostrum. *R.* Amen.

Quo facto, tabula ipsa altaris a stipite separata jacente, debet fieri Reliquiarum deportatio, et inclusio. Pontifice processionaliter accedente ad locum ubi Reliquiæ sunt depositæ, in quo Pontifex stans ab extra sine mitra, dicit: Orémus.

Et ministri: Flectámus génuá. *R.* Leváte.

Aufer a nobis, quæsumus, etc. et continuans per omnia usque ad Conse ✠ crétur, et sanctifi ✠ cétur, hæc tabula, inclusive, prout supra ordinatum est. 135. Quibus dictis, Sacerdotes et Levitæ elevant aram, sive tabulam, seu mensam altaris, et collocant eam super stipitem; et cæmentarii cum dicto cæmento benedicto ipsam liniunt, et firmant, schola interim cantante, seu ministris dicentibus Responsorium:

1 Toni.



Vos Sa-cer-do - tes, et Le-vi - - tæ san-



eti - fi - ca - mi - ni. * Et af - fer - te a - ram



Do - mi - ni De - i Is - ra - el ad



lo - cum qui e - i pa - ra - tus est. †. Vos



san - cti Do - mi - ni vo - ca - bi - mi - ni mi - ni - stri



De - i no - stri : di - ce - tur vo - bis , sit ti - mor



De - i vo - biscum , et cum di - li - gen - ti - a



cun - cta fa - - cit. * Et.

Levata itaque ara, et collocata, ac cum cæmento prædicto bene firmata, Pontifex inchoat Antiphonam :

Sub altäre Dei, ut supra, 137. et continuat usque ad Orationem, *Dirigatur*, inclusive : qua dicta, prosequitur altaris consecrationem, accedens ad altare cum mitra, et stans ante illud, deposita mitra, incipit, schola seu ministris prosequentibus, Antiphonam :
Introibo ad altäre Dei, ut supra, 131. cum omnibus sequentibus, usque ad Orationem, *Deus*, qui es visibilium rerum ómnium, etc. inclusive.

Qua dicta, Pontifex accepta mitra sedet, et ministri extergunt mensam altaris cum linteo mundo; et mox Pontifex thurificat super illam in modum crucis in medio, et in quatuor ejus angulis, inchoans, schola seu ministris prosequentibus, Responsorium :
Dirigatur oratio mea, sicut incensum in conspéctu tuo, Dómine.

†. Elevatio mánuum meárum sacrificium vespertinum.

Et omnia alia deinde fiunt, prout supra ordinata sunt, usque ad finem.

DE ALTARIS PORTATILIS CONSECRATIONE.

ALTAris portatilis consecratio potest fieri quocumque die, et loco, jejuno tamen stomacho.
Parantur in loco ubi consecratio hujusmodi fieri debet, in primis aliquæ Reliquiæ cum tribus granis incensi in altari recludendæ; sanctum Chrisma in vasculo, et ampulla; Oleum sanctum Catechumenorum etiam in vasculo, et ampulla: media libra thuris, cujus medietas sit in granis; thuribulum cum navicula, et cochleari; vas cum prunis ardentibus; vas aquæ mundæ;

vas cum cineribus; vas cum sale; vas vim; aspersorium factum de herba hyssopi; mantilia ex tela grossa ad extergendum altare consecrandum, quoties expedierit; quinque cruces parvæ factæ de candelis ceræ subtilibus; aliquæ spatulæ ligneæ parvæ, ad abradendum de altari combustiones candelarum et thuris; vas, in quo ipsæ rasuræ deponantur; duo candelabra cum duobus cereis continuo ardentibus prope Reliquias; vas cum aqua ad abluendas manus Pontificis, et medulla panis, ac mantilia pro extergendis manibus.

Pontifex igitur, paratus amictu, alba, cingulo, stola, pluviali albi coloris, et mitra simplici, si consecrationem hujusmodi publice facere velit, vel, si in camera sua, aut alio loco secreto, stolam habeat supra rochetum, vel supra superpelliceum, si sit regularis, ab humeris dependentem, et mitram simplicem, stans ante tabulam ipsam, sive altare consecrandum positum super aliquam mensam, vel altare, mitram in capite tenens, absolute dicit:

DEUM omnipotentem, fratres charissimi, votis exultantibus deprecemur, ut qui per omnem mundum fidem spargit, et Ecclesiam congregavit, qui est lapis de monte sine manibus abscissus, qui angularem compagem solidavit, hanc petram serenus illustret, eamque æterno lumine irrigatam ita multiplicibus et diversis charismatibus locupletet, ut super illam, administrandam sui Corporis hostiam bene ✠ dicat, et suscipiat consecratam. Qui cum Deo Patre vivit, et regnat in unitate Spiritus sancti Deus, per omnia sæcula sæculorum. *r.* Amen.

Deinde, detecto capite, genuflexus ante altare consecrandum, dicit:

Deus in adiutorium meum intende.

Quo dicto, Pontifice surgente, chorus respondet:
Domine ad adjuvandum me festina.

Tum Pontifex, stans sine mitra in eodem loco, dicit: Glória Patri, et Filio, et Spiritui sancto.

Chorus respondet:

Sicut erat in principio, et nunc, et semper: et in sæcula sæculorum. Amen.

Sine Alleluia. Et id eisdem modo et loco secundo, et tertio fit, voce semper altius elevata.

Quibus dictis, Pontifex stans in eodem loco cum mitra, benedicit aquam cum sale, cinere, et vino, incipiens absolute exorcismum salis, prout habetur supra sub Ecclesiæ Dedicacione. 39. usque ad Orationem.



OMNIPOTENS sempiternæ Deus, creator, et conservator humani generis, etc. ut 43. inclusive, hoc salvo, quod ubicumque fit mentio de Ecclesiæ consecratione, dicit solum de altaris, vel tabulæ.


Aqua igitur benedicta, Pontifex, retenta mitra, stans ante altare intingit pollicem dexteræ manus in aqua prædicta per eum benedicta; et cum eo, et aqua hujusmodi facit crucem in medio tabulæ, vel altaris, dicens :




SANCTI ✠ FICETUR, et conse ✠ crétur hæc tábula. In Nómine Pa ✠ tris, et Fi ✠ lii, et Spíritus ✠ sancti. Pax tibi.

Deinde facit ex eadem aqua cum eodem pollice quatuor cruces in quatuor cornibus altaris, repetens in qualibet cruce verba præmissa. Sancti ✠ ficétur, et conse ✠ crétur hæc tábula, etc.

Facit autem primam crucem in dextera parte posteriori lapidis; id est, Evangelii, secundam in sinistra parte anteriori transversa primæ, tertiam in dextera anteriori, quartam in sinistra posteriori tertiæ transversa in hunc modum.



Quo facto, inchoat, ministris prosequentibus, Antiphonam :



Aspérges me, Dómine, hyssópo, et mundábor : lavábis me, et super nivem dealbábor.

PSALMUS 50.

MISERERE mei Deus : * secúndum magnam misericórdiam tuam.

Et totus dicitur ut supra, 12. sine Glória Patri. Sed in fine repetitur ipsa Antiphona, et interim dum dicuntur Antiphona, et Psalmus prædicti, Pontifex cum mitra aspergit cum aspersorio de herba hyssopi facto de ipsa aqua tabulam, per ejus circuitum tribus vicibus. Quo facto, tabula abstergitur cum mundo panno lineo; deinde Pontifex, deposita mitra, dicit :

Ÿ. Dómine, exáudi orationem meam.

Ŕ. Et clamor meus ad te véniat.

Ÿ. Dóminus vobiscum.

Ŕ. Et cum spiritu tuo.

OREMUS.

DEUS, qui es visibílium ómnium rerum et invisibílium cónditor, et cunctárum sanctificatiónum consecrator, ad Dedicatiónem hujus dominicæ mensæ adesse dignáre; et quæ sacráto Oleo, et Chrismate a nobis indignis est liniénda, et benedicénda, tuæ sancti ✠ ficatiónis in eam infúnde virtútem et consecratiónem; ut omnes qui ad eam te deprecáturi accésserint, tuæ propitiatiónis auxílium séntiant. Per Christum Dóminum nostrum.


Ŕ. Amen.

Tum inchoat, ministris prosequentibus, Antiphonam : Dirigátur orátio mea sicut incénsus in conspéctu tuo, Dómine.

Qua incepta, Pontifex, accepta mitra, thurificat tertio tabulam per circuitum ejus. Finita incensatione, Pontifex inchoat, ministris prosequentibus, Antiphonam : Eréxit Jacob lapidem in titulum, fundens óleum désuper.

Psalmus 83. Quam dilécta tabernácula tua Dómine virtútum ! * concupiscit, et déficit ánima mea in átria Dómini. Et totus dicitur prout supra habetur in benedictione et impositione primarij lapidis, 6. sed in fine non dicitur Glória Patri.

Dum Antiphona et Psalmus dicuntur, Pontifex stans cum mitra, intingit pollicem dexteræ manus in oleum Catechumenorum, et cum eo facit quinque cruces, videlicet, in medio altaris, et quatuor ejus cornibus, in locis, in quibus fecerat cruces de aqua benedicta, videlicet, primam in medió altaris, secundam in dextero cornu posteriori, id est, Evangelij, tertiam in sinistro anteriori, quartam in dextero anteriori, quintam in sinistro posteriori hoc ordine :



Dicens, dum singulas cruces facit :

SANCTI ✠ FICETUR, et conse ✠ crétur hæc tábula. In D nómine Pa ✠ tris, et Fi ✠ lii, et Spíritus ✠ sancti. Pax tibi.

Deinde Pontifex inchoat, ministris prosequentibus, Antiphonam : cum cantu, pag. 90.

Dirigátur orátio mea sicut incénsus in conspéctu tuo, Dómine.

Et dum Antiphona dicitur, Pontifex thurificat semel tabulam per circuitum; deinde, restituto thuribulo, et Antiphona finita, deposita mitra, dicit : Oremus.

Et ministri : Flectámus genua. Ŕ. Leváte.

Ansir, Dómine, misericórdiæ tuæ ineffábilis pietas, et super hanc tábulam opem tuæ bene ✠ dictionis, et virtútem tuæ unctiúnis infúnde; ut te largiénte réferat

præmium quisquis intulerit votum. Per Christum Dominum nostrum. *ñ.* Amen.

Oratione finita, Pontifex inchoat, ministris prosequentibus, Antiphonam : cum cantu, pag. 93.

MANE surgens Jacob erigebat lapidem in titulum, fundens oleum desuper, votum vovit Domino : vere locus iste sanctus est, et ego nesciebam.

Psalmus 91. Bonum est confiteri Domino, * et psallere nomini tuo, Altissime.

Et totus dicitur prout supra habetur sub Dedicatione Ecclesie. 94. Et in fine non dicitur Gloria Patri.

Incepta Antiphona, Pontifex, accepta mitra, facit iterum quinque cruces cum pollice de eodem oleo Catechumenorum in eisdem locis altaris, et eo ordine, prout prius fecit, dicens, dum singulas cruces facit :



SANCTI *✠* FICETUR, et conse *✠* cratur hæc tabula. In **S** nomine Pa *✠* tris, et Fi *✠* lii, et Spiritus *✠* sancti. Pax tibi.

Deinde Pontifex inchoat, ministris prosequentibus Antiphonam :
Dirigatur oratio mea, sicut incensum in conspectu tuo, Domine.

Interim dum Antiphona dicitur, Pontifex, retenta mitra, thurificat iterum semel tabulam per circuitum. Quo facto, Pontifex, deposita mitra, dicit : Orémus.

Et ministri : Flectamus genua. *ñ.* Levate.

ADESTO, Domine, dedicationi hujus mensæ tuæ, et in eam, quæ a nobis indignis sancto linata est oleo, bene *✠* dictionis et sancti *✠* ficationis tuæ virtutem, et consecrationem infunde. Qui vivis et regnas Deus, per omnia sæcula sæculorum. *ñ.* Amen.

Qua finita, Pontifex incipit, schola seu ministris prosequentibus, Antiphonam : cum cantu, pag. 96.

Unxit te Deus, Deus tuus, oleo lætitiæ præ consortibus tuis.

Psalmus 45. Deus noster refugium, et virtus : * adjutor in tribulationibus, quæ invenerunt nos nimis.

Et totus dicitur prout habetur supra sub Dedicatione Ecclesie, 100. et in fine non dicitur Gloria Patri.

Incepta Antiphona, Pontifex, accepta mitra, iterum facit quinque cruces de sancto Chrismate cum pollice dexteræ manus in medio tabulæ altaris, et in quatuor ejus angulis, ordine supra posito, ad quamlibet crucem dicens :

SANCTI *✠* FICETUR, et conse *✠* cratur hæc tabula. In **S** nomine Pa *✠* tris, et Fi *✠* lii, et Spiritus *✠* sancti. Pax tibi.

Deinde Pontifex, accepto thuribulo a Sacerdote incensante, imposito et benedicto incenso, stans cum mitra inchoat, et schola seu ministri prosequuntur, Antiphonam :

Dirigatur oratio mea, sicut incensum in conspectu tuo, Domine.

Qua incepta, Pontifex, retenta mitra, iterum semel thurificat tabulam per circuitum, deinde, deposita mitra, dicit : *Orémus.*

Et ministri : *Flectámus genua. R̄. Leváte.*

EXAUDI nos, Deus noster, et precum nostrárum libénter áccipe vota, et altáre hoc ad celebránda divína mystéria præparátum cœléstis unguénti odóre aspérge, et arómata divínæ sanctificatiónis illi infúnde; et sicut lápidem Jacob patriárchæ eréctum unguénti perfusióne dicásti, et angélicis visióibus per sealam gradus Ecclésiæ figurásti, sic quoque super hunc lápidem altári coaptándum cœléstis grátiam sancti ✠ ficatiónis immitte; ut dum tibi super eum sacri Córporis et Sánguinis unigéniti Filii tui mystéria consecrántur, peténtibus peccáta dimittántur, et meréntibus influas grátiam sempitérnam. Per Christum Dóminum nostrum. *R̄. Amen.*

Oratione dicta, Pontifex, accepta mitra, intingit pollicem dexteræ manus in sanctum Chrisma, et cum eo signat confossionem, id est, sepulchrum, in quo Reliquiæ sunt reponendæ, in medio formando signum, dicens :

CONSE ✠ CRETUR, et sancti ✠ ficétur hoc sepuléhrum. In nómine Pa ✠ tris, et Fi ✠ lii, et Spíritus ✠ sancti. Pax huic dómui.

Deinde, deposita mitra, recondit veneranter Reliquias cum tribus granis thuris in tabula, sive altari, et sepulchrum Reliquiarum hujusmodi claudit. Quo facto, adhuc stans sine mitra, dicit :

OREMUS.

DEUS, qui ex ómnium cohabitatióne Sanetórum ætérnum Majestáti tuæ condidit habitáculum, da ædificatióni tuæ incrementa cœléstia; et præsta, ut quorum hic Reliquias pio amóre compléctimur, eórum semper méritis adjuvémur. Per Christum Dóminum nostrum. *R̄. Amen.*

Tum inchoat Pontifex, schola seu ministris prosequentibus, Antiphonam : cum cantu, pag. 101. Ecce odor filii mei, sicut odor agri pleni, cui benedixit Dóminus : créscere te fáciat Deus meus, sicut arénam maris : et donet tibi de rore cœli benedictiόnem.

PSALMUS 86.

FUNDAMENTA ejus in móntibus sanctis : * diligit Dóminus portas Sion, super ómnia tabernácula Jacob.

Gloriósá dicta sunt de te : * civitas Dei.

Memor ero Rahab, et Babylónis : * sciéntium me.

Ecce alienígenæ, et Tyrus, et pópulus Æthiópum : * hi fuérunt illic.

Numquid Sion dicet : Homo, et homo natus est in ea : * et ipse fundávit eam Altíssimus?

Dóminus narrábit in scriptúris populórum, et princípum : * horum, qui fuérunt in ea.

Sicut lætántium ómnium : * habitátió est in te.

Et non dicitur Glória Patri.

Dum Antiphona, et Psalmus prædicti dicuntur, Pontifex, accepta mitra, fundit, et spargit oleum Catechumenorum, et sanctum Chrisma, manu dextera confricans, liniens, et perungens totum lapidem.

Finito Psalmo, Pontifex stans cum mitra, dicit :

LAPIDEM hunc, fratres charíssimi, in quo unguéntum sacræ unctiόnis effúnditur, ad suscipiéndá pópuli sui vota, et sacrificia, orémus ut Dóminus noster benedícat, et cónse ✠ cret, et quod est unctum a nobis, sit unctum in nómine ejus; ut plebis vota suscipiat, et altári per sacram unctiόnem perfécto, dum propitiatiόnem sacrórum impónimus, ipsi propitiatóres Dei esse mereámur. Per Jesum Christum Dóminum nostrum, qui cum eo, et Spíritu sancto vivit, et regnat Deus in sæcula sæculórum. *R̄. Amen.*

Quo dicto, inchoat, schola seu ministris prosequenti-
bus, Antiphonam: cum cantu, pag. 107.

Ædificávit Moyses altáre Dómino Deo, ófferens super
illud holocáusta: et immolans víctimas, fecit sacrificium
vespertinum in odórem suavitátis Dómino Deo, in con-
spéctu filiórum Israel.

Qua finita, stans adhuc cum mitra Pontifex, dicit:

DEI Patris omnipoténtis misericórdiam súplices implo-
rémus, fratres charíssimi, ut altáre hoc sacrificiis
spirituálibus imbuéndum, nostræ vocis exorátus officio
præsénti bene ✠ dictione sanctíficet, atque in eo semper
oblaciónes famulórum suórum stúdio sanctæ devotiónis
impósitas bene ✠ dicere, et sancti ✠ ficáre dignétur;
et spirituáli placátus incenso précibus familiæ suæ prom-
ptus exaudítor assistat. Per Christum Dóminum nostrum.
R. Amen.

Deinde benedicit incensum super altare eremandum,
et stans ibidem, depósita mitra, dicit:

Y. Dómine, exáudi oratióem meam.
R. Et clamor meus ad te véniat.
Y. Dóminus vobíscum.
R. Et cum spírítu tuo.

OREMUS.

DOMINE Deus omnipotens, cui assistit exércitus Ange-
lórum cum tremóre, quorum servítium spirituále et
igneum esse cognóscitur; dignáre respícere, bene ✠
dicere, et sancti ✠ ficáre hanc creatúram incénsi, ut
omnes languóres, omnésque infirmitátes, atque insidiæ
inimíci odórem ejus sentiéntes effúgiant, et separéntur
a plásmate tuo; ut numquam lædátur a morsu antiqui
serpéntis, quod pretiósó Filii tui Sanguine redemísti.
Per eúmdem Christum Dóminum nostrum. R. Amen.

Deinde aspergit ipsum aqua benedicta, et accepta
mitra, format propria manu ex ipso quinque cruces,
quamlibet de quinque granis, super illa quinque loca
altaris, in quibus cruces de aqua, Oleo, et Chrismate
factæ prius fuerunt, et super quamlibet crucem thuris
ponit unam crucem factam de subtili candela ad men-
suram crucis de granis incensi factæ, et cujuslibet crucis
capitá accenduntur, ut cum ipsis thus comburatur, et
eremetur. Omnibus autem crucibus accensis, Pontifex,
depósita mitra, flexis coram altari genibus, inchoat, et
schola seu ministri prosequuntur: cum cantu, pag. 108.
Allelúia. Y. Veni sancte Spírítus: reple tuórum corda
fidélium, et tui amóris in eis ignem accénde.

Nisi Consecratio fiat inter Dominicam Septuagesimæ,
et festum Paschæ Resurrectionis Domini nostri Jesu
Christi, quia tunc omisso Allelúia, dicitur Versus tan-
tum. Quo dicto, surgit Pontifex stans ibidem versus ad
altare sine mitra, et schola seu ministri dicunt Anti-
phonas duas sequentes:
Ascéndit fumes arómatum in conspéctu Dómini de manu
Angeli.

Alia Antiphona.

Stetit Angelus juxta aram templi, habens thuribulum
áureum in manu sua: et data sunt ei incénsa multa;
et ascéndit fumes arómatum in conspéctu Dei. *Sine*
Allelúia.

Quibus finitis, Pontifex adhuc stans ante altare sine
mitra, dicit: Oremus.

Et ministri: Flectámus génuá. R. Leváte.

HUJUS altáris, Dómine, holocáustum sancti Spírítus tui
grátia infúsum in odórem tuæ suavitátis ascéndat.
Per Christum Dóminum nostrum. R. Amen.

Post hæc combustis candelis et thure, cineres illius
combustionis per unum ex ministris cum spatulis ligneis

abraduntur, et collecti in aliquo vase projiciuntur in sacrarium. Interim Pontifex sine mitra stans ante gradus altaris versus ad altare, dicit :

OREMUS.

SUPPLICES tibi, Dómine Deus, Pater omnipotens, preces effúndimus, ut metálli hujus expolitam matériam supérnis sacrificiis imbuéndam ipse tuæ ditáre sanctificatiónis ubertáte dignéris, qui quondam legem in tábulis scripsisti lapídeis. Per Dóminum nostrum Jesum Christum Filium tuum, qui tecum vivit et regnat in unitáte Spíritus sancti Deus,

Deinde eodem modo stans, mediocri voce, extensis manibus ante pectus, dicit Præfationem hanc :

Per ómnia sæcula sæculórum. *R.* Amen.

V. Dóminus vobíscum.

R. Et cum spíritu tuo.

V. Sursum corda.

R. Habémus ad Dóminum.

V. Grátias agámus Dómino Deo nostro.

R. Dignum et justum est.

Vere dignum et justum est, æquum et salutáre, nos tibi semper, et ubique grátias ágere, Dómine sancte, Pater omnipotens, ætérne Deus : Qui post offendicula lapsus primi hóminis, instituisti tibi offérri propitiatórii delibaménta libáminis; ut culpa, quæ præcésserat per supérbiam, futúris tempóribus expiarétur per múnera, quibus honoraréntur altária, honorificaréntur et templa. Quod tibi primus Noe præparávit officio, rursus Abraham immolatúrus filium, dehinc Jacob érigens et ungens lapídem in titulum. Te, Redémptor mundi, exorámus, ut lapídem istum, seu mensam, in honórem tuum, gloriosæque Virginis Mariæ, et ómnium Sanctórum, consecráre, et sanctificáre dignéris benedictiόνis tuæ illápsu, mánibus nostris opem tuæ benedictiόνis

infúndens, et sacri hujus mystérii sicut institútor, ita étiam et sanctificátor appáre, qui te angulárem lapídem, et saxum sine mánibus abscíssum nominári voluísti. Inhæreas hic plácido ætérnæ majestátis obtútu, ut quidquid sacro ritu super hoc immolábitur, sicut Melchisedech oblátum tibi pláceat holocáustum. Adsit misericórdiæ tuæ ineffábilis pietas : ut, te largiénte, réferat præmium, quisquis intúlerit votum.

Quod sequitur dicit submissa voce legendo, ita tamen, quod a circumstantibus audiatur.

Per Dóminum nostrum Jesum Christum Filium tuum, qui tecum vivit, et regnat in unitáte Spíritus sancti Deus, per ómnia sæcula sæculórum. *R.* Amen.

Præfatione finita, Pontifex inchoat, et schola seu ministri prosequuntur, Antiphonam : cum cantu : pag. 116. Confirma hoc, Deus, quod operátus es in nobis, a templo sancto tuo, quod est in Jerúsalem.

V. Glória Patri, et Filio, et Spíritui sancto.

R. Sicut erat in principio, et nunc, et semper, et in sæcula sæculórum. Amen.

Deinde repetitur Antiphona. Qua dicta, Pontifex sine mitra dicit :

OREMUS.

QUÆSUMUS, omnipotens Deus, universárum rerum rationábilis ártifex, qui inter céteras creaturárum formas lapídeum metállum ad obséquium tui sacrificii condidisti, ut legitimæ libatióni præpararétur altáre : ánnue dignánter, ut quidquid hic oblátum sacratúmve fúerit, nómini tuo assúrgat, Religióni proficiat, spei innitátur, et fidei sit honóri. Per Christum Dóminum nostrum. *R.* Amen.

Postea inchoat, schola seu ministris prosequentibus, Antiphonam : cum cantu, pag. 125.

Omnis terra adóret te Deus, et psallat tibi : psalmum dicat nómini tuo, Dómine.